



## TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil « 19 » noyabr

08-314 -son

### **O‘zbekiston Respublikasi oliy va o‘rta maxsus ta’lim vazirining 2021-yil 28-oktabrdagi 451-son buyrug‘i ijrosini ta’minlash to‘g‘risida**

O‘zbekiston Respublikasi oliy va o‘rta maxsus ta’lim vazirining 2021-yil 28-oktabrdagi “Oliy va o‘rta maxsus ta’lim vazirligi va talaba-qizlar, muassasa va tashkilotlarda ishlovchi xotin-qizlar o‘rtasidagi muloqotning yangi mexanizmini joriy etish to‘g‘risida”gi 451-son buyrug‘i ijrosini ta’minlash maqsadida

### **B U Y U R A M A N:**

1. O‘zbekiston Respublikasi oliy va o‘rta maxsus ta’lim vazirining 2021-yil 28-oktabrdagi 451-son buyrug‘i (keyingi o‘rinlarda – buyruq) ma’lumot va ijro uchun qabul qilinsin.

2. Quyidagilar:

2021-yil 28-oktabrdan boshlab Oliy va o‘rta maxsus ta’lim vazirligi va talaba-qizlar, muassasa va tashkilotlarda ishlovchi professor-o‘qituvchi va xodim ayollar o‘rtasida tegajog‘lik, tazyiq va zo‘ravonliklar bo‘yicha to‘g‘ridan-to‘g‘ri aloqa vositasi – **himoya\_otv\_bot** (keyingi o‘rinlarda – Himoya tarmog‘i) tashkil etilganligi;

buyruq bilan Tegajog‘lik, tazyiq va zo‘ravonliklar bo‘yicha murojaatlar bilan ishlovchi ishchi guruh tarkibi hamda Oliy ta’lim muassasalari (filiallari), professional ta’lim muassasalari, akademik litseylar, Qoraqalpog‘iston Respublikasi, viloyatlar va Toshkent shahar Kasbiy ta’limni rivojlantirish va muvofiqlashtirish hududiy boshqarmalari va idoraviy mansub tashkilotlarda turli hodisa va huquqbuzarliklar yuzasidan maxsus xabar berish tartibi tasdiqlanganligi;

Oliy va o‘rta maxsus ta’lim vazirligining 1006 ishonch telefoni hamda Himoya tarmog‘i orqali kelgan murojaatlarning ko‘rib chiqilishi yakunlari

bo'yicha mazkur muassasa rahbariyati va aybdor shaxslarga nisbatan qonunchilikda belgilangan intizomiy va boshqa ta'sir choralari qo'llanilish amaliyoti kuchaytirilishi belgilanganligi inobatga olinsin.

3. Xotin-qizlar masalalari bo'yicha Maslahat kengashi raisi U.Xaydarova:

Kadrlar bo'limi (Sh.Xamraqulov) bilan birgalikda professor-o'qituvchi va xodimlar bilan tuziladigan mehnat shartnomalarida pedagog va ta'lim muassasasi xodimiga munosib bo'lish talabi mavjudligi yuzasidan xatlov o'tkazilishini, yangidan tuzilayotgan mehnat shartnomalariga ushbu talab kiritilishini;

Yuridik byuro (E.Xosilov) bilan birgalikda universitetning ichki tartib qoidalari (ichki mehnat tartibi qoidalari) va Odob-axloq kodeksida ta'lim beruvchi professor-o'qituvchilar va ta'lim oluvchilar, shuningdek, xodimlar o'rtasidagi o'zaro munosabatlarning umumaxloq normalariga mos bo'lishi haqidagi qoidalar bilan to'ldirilishini;

professor-o'qituvchi, xodim va talaba xotin-qizlar o'rtasida mavzuga doir so'rovnomalar tashkil etilishini;

muntazam ravishda tegajog'lik, tazyiq va zo'ravonlik holatlari yuzasidan profilaktik tadbirlar, psixolog va boshqa turdagi mutaxassislar maslahatlari tashkil etilishini ta'minlasin.

4. Prorektorlar, fakultet dekanlari, kafedra mudirlari hamda barcha tarkibiy bo'linma rahbarlari mazkur buyruqda belgilangan vazifalarni amalga oshirishda Xotin-qizlar masalalari bo'yicha Maslahat kengashi (U.Xaydarova)ga zarur ko'mak ko'rsatsin.

5. Devonxona (X.Abdullayev) tomonidan mazkur buyruq universitetning barcha tarkibiy bo'linmalari e'tiboriga yetkazilishi ta'minlansin.

6. Mazkur buyruqning bajarilishini nazorat qilishni o'z zimmamda qoldiraman.

**Rektor v.v.b.**

**I.Rustambekov**